

NEWS RELEASE



NR 12-35 LEO INUIN – For Immediate Release

Ukiuqtaqtumi Katimayit Ikhivautakha Tikkuqaunia

(Aagasi 24, 2012 -- Iqaluit, Nunavut) Nunavut Tunngavik Nanminilgit Angayuqanga Cathy Towtongie ilauyuq tahapkununga Inuit Ukiuqtaqtumiuqatigikni Katimayit uplumi aliahutaunianik tuhagakhaq tamna Nunavutmi Katimayiyuq Maligaliuqtiyuani, tamna Upinaqtuq Leona Aglukkaq tikkuqaunia ikhivautalikmun tapkununga Ukiuqtaqtumi Katimayit. Hivuliqti Minihitauyuq Stephen Harper unniqta tamna tikkuqauniq pulaqniqmingni Ikaluktutiakmun ippakhaq.

“Una tuhaguminaqtuq tuhagakhaq. Minihitauyuq Aglukkaq tauqniaq piyaqqaqtumik havaqmik pipkagahuaqnik angiqatigikniq tahapkunani ukiuqtaqtumiuqatauyut nunaqyuat, pivaliqtitniklu Kanataup havangi tapkunani Ukiuqtaqtuq Katimayit,” uqaqtuq Towtongie.

Minihitauyuq Aglukkaq havanga pigiaqniaq May, 2013-mi, pikpat Kanata atuliqnia ikhivautaliuniq tapkunani hilaqyuaqmi katimanit malguknut-ukiuknut pivikha. Tapkuat katimayit ikayuqtigiktut pityutauyunut piyaqqaqtunut tahamani Ukiuqtaqtumi, tapkuatlu ilauyut Kanata, Denmark, Finland, Iceland, Norway, tapkuatlu Russian Federation, Sweden tamnalu United States.

“Quyagiyaga Minihitauyuq Aglukkaq pinahauqpiapqakni havaqatigini nunatagauyut kavamait, Kanatamiuni Nunaqaqqtut ilaunginaqnit ahiilu Ukiuqtaqtumi nunaqyuat pivaliatitninut tapkuat Ukiuqtaqtumi Katimayit havagutai. Una pipkaqniaqta Kanata pilaqnik hivuliqni tahapkuat hilaqyuaqmi katimatikhat atuqniani pivikha tamna angiyumik ahianguqpaliani pivaliatitnilu. Una pipkaqniaqta Minihitauyuq Aglukkaq tahapkuatlu Inuit pilaqnik ihuaqhihimani nanminiq ihumaliugutivut Kanatami ilihimaniqnut pitaqnit kangiqhimaniptingnit inuliquitinut, ilitquhit kiinauyaliqutitlu piqpiqnit inuuhiqmi ahiini ukiuqtaqtumiuqatauyut nunaqyuangini,” uqaqtuq Towtongie.

-30-

Tuhaqpaligumakpat:

Kerry McCluskey
Hivuliqti Tuhagakhaliquitit
Nunavut Tunngavik Nanminilgit
Hivayauta: (867) 979-1484 Hivayautinnuaq: (867) 222-2893

Toll-free: 1-888-646-0006
kmcluskey@tunnigvik.com